

UNIVERSITI SAINS MALAYSIA

Peperiksaan Semester Pertama
Sidang 1987/88

PLG_418 -- Kaedah Mengajar Kesusasteraan II

Tarikh: 7 November 1987

Masa: 9.00 pagi - 11.00 pagi
(2 jam)

Jawab TIGA soalan sahaja.

1. Huraikan dengan contoh yang jelas aspek-aspek yang perlu diajar kepada penuntut-penuntut secara umum dan secara khusus mengenai salah satu daripada teks-teks di bawah ini:
 - (i) Sandera
 - (ii) Sejarah Melayu
 - (iii) Keluarga Gerilya
2. Bincangkan mengenai faedah-faedah yang boleh dicapai oleh penuntut-penuntut sekiranya hasil-hasil sastera Melayu lama dapat diajar secara berkesan. Berikan rancangan yang anda fikirkan boleh dilaksanakan bagi mencapai hasil yang berkesan ini.
3. Baca sajak 'Topeng-topeng' oleh Baha Zain yang dilampirkan, dan terangkan bagaimana anda dapat melahirkan kefahaman penuntut mengenainya, khususnya tentang unsur-unsur yang terpenting yang wujud di dalam sajak ini.
4. Beri ulasan anda tentang sukatan pelajaran Bahasa Malaysia 2 (Kesusasteraan Melayu) bagi Tingkatan 6, khusus mengenai bahagian sejarah. Bagaimana anda dapat melaksanakan pengajaran yang berkesan mengenainya.
5. Dengan memberikan contoh-contoh yang jelas bincangkan langkah-langkah tambahan (selain daripada buku-buku teks dan buku-buku rujukan di perpustakaan) yang boleh anda ambil bagi menggalakkan minat penuntut terhadap matapelajaran sastera yang akan anda ajar di peringkat sekolah menengah atas.

000000000

LAMPIRAN

Topeng-topeng

ini dunia menjadi rumah segala peristiwa
topeng-topeng menari dari bayang ke bayang
"dan kita usah bimbang
subuh pasti datang menyerahkan segumpal cahaya
penyelesaian dan kemenangan
hidup kita akan lega"

ini dunia menjadi rumah topeng-topeng
Dewi Pemurah dan Dewi Penyelamat
bagi mereka yang gentar keberanian
bagi mereka yang gagal berikhtiar
bagi mereka yang besar berdoa
berkacalah dengan topeng
dari bayang-bayang

ini dunia menjadi rumah segala mimpi
dalam gendang perang nanti malam
akulah Rawana dengan topeng Hanuman
sebelum tiba subuh yang mereka harapkan
Rama roboh dengan satu panggilan
demik Sita lambang segala kejujuran
berbicaralah kau kebenaran
di muka penonton sekian lama dibodohkan

di sekitarku peristiwa
di sekitarku topeng
di sekitarku mereka
ini aku
wajah telanjang
di muka
kekonyolan.

Jakarta 1971.
(Dewan Sastera, Julai 1971)

